



Inatsisartunut ilaasortaq Anthon Frederiksen, Partii Naleraq

Maani/

Indgået

- 3 OKT. 2016

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

§ 37 naapertorlugu apeqquteqaammut akissut nr. 240

Inatsisartut suleriaasianni § 37, imm. 1 naapertorlugu Naalakkersuisunut apeqquteqaateqarputit. Apeqqut taanna uanga naalakkersuisoqarfinnut akisassanngortinneqarpoq.

1. Qaleraleqarfiit mingutsinneqannginnissaat illersorneqarnissaallu qulakkeerniarlugu Naalakkersuisut qanoq iliuuseqarpat?

Akissut 1)

Avatangiisit mingutsaaliorneqarnissaat Naalakkersuisunit equmaffigineqartuartarpoq. Imaani avatangiisit illersorneqarnissaat pillugu Inatsisartut peqqussutaat nr. 4, 3. november 1994-imeersoq, kingorna allannguuteqartinneqartoq naapertorlugu imaani avatangiisintunngasut malittarisassaqartitaapput. Inatsit taanna ullutsinnut naleqqunnerulersinniarlugu imaani avatangiisit pillugit inatsimmik nutaamik Naalakkersuisut suliaqarnerat matumuuna oqaatigisinnaavarput.

2. Aalisakkat assigiinngitsut perlukuunik imaanut eqqaasarneq aalisarfinnun qanittumi pinaveersimatinniarlugu Naalakkersuisut qanoq iliuuseqarpat imaluunniit qanoq iliuuseqarniarpat ?

Akissut 2)

Aalisakkeriviit perlukoortarnerat Imaani avatangiisit illersorneqarnissaat pillugu Inatsisartut peqqussutaat nr. 4, 3. november 1994-imeersoq, kingorna allannguuteqartinneqartoq naapertorlugu malittarisassaqartinneqarpoq. Aalisakkat perlukuunik eqqaasoqartussangoraangat eqqaanissamut akuersissutissatut missingiut ilaatigut KNAPK-mut kiisalu kommunimut pineqartumut tusarniaassutigineqartarpoq. Aalisarfinni perlukoortoqannginnissaa tusarniaanikkut ilaatigut qularnaarniarneqartarpoq.

3. Saarulliit pisarineqartut tamarmik inuiaqatigiinni tunineqarsinnaanerat iluaqtigineqarnerulersinnaanerallu anguniarlugu Naalakkersuisut qanoq iliuuseqarpat ?

Akissut 3)

27-09-2016

Sags nr. 2016 - 14267
Dok. nr. 3643544

Postboks
269

3900 Nuuk
Tlf. (+299) 34 50 00
Fax (+299) 34 63 55

E-mail: apnn@nanoq.gl
www.naalakkersuisut.gl

Aalisakkat avammut tunineqarnerini akinut Naalakkersuisut sunniuteqarsinnaanngillat. Aalisakkanit tunisassiat, soorlu saarulliit, tunisassiallu allat akii namminersortunit aalajangerneqartarpuit nioqqutigineqartut amerlassusii pisariaqartitsinerlu naapertorlugit. Kitaani avataasiortunit saarullittassat 5.000 tonsiusut tamakkerlugit Naalakkersuisunit nunamut tulaassassanngortinnejqarput, kiisalu nunatta kangiani avataasiorluni saarullittassat ilaat 5.000 tonsit aamma nunanut tulaassassanngortinnejqarput. Taamaaliornikkut nunami suliffissat pilersinniarnejqarput.

4. Aalisarfinni qassutikunik, ningittangaarsiutinik allanillu ataavartumik saliisarnissaq Naalakkersuisut kommunit peqatigalugit sulissutigisinnaavaat ?

Akissut 4)

Aalisarnermik atortunik qaqtinissamut inatsisitigut pisussaaffiliisoqareerpoq aamma qassutinik ningittakkanilluunniit annaasaqarnermi ujaasisussaatitaasoqareerluni. Piujuartitsineq siunertaralugu aalisarnerup teknikikkut iluarsartuussivigineqarnera pillugu nalunaarutip nutarsarneqarnerani aalisarnermik atortunik qaqtisiarnermi ujaasinermilu piumasaqaatit suli sukannerulerseinniarnejqarput.

Ilannngullugu takuneqarsinnaavoq ilaatigut qassusersorluni qaleralinniarnermut ileqqoreqqusani arlalinni aalisarfinni amerlasuunik qassutaarsiutinik ningittagaarsiutinilluunniit pisoqarfiusuni kommunit aamma akisussaaqataasut akuttunngitsumik saliisarnissamut.

Inussiarnersumik inuullaqqusillunga

Nikolaj Jeremiassen